

SEHÉTI FÉMILI ÓKKOLARDEHAM OR ZAGA ÓKKOLOR KANUN (“HFWA”): TONHÁLOI CÚTHKIR HÓK ÓKKOL

Cámiltáibou: Zehonó andaza or, Colorado ór hamdouya ókkol é tonháloi cúthkir entezamgorá foribou

- Tamám hamgorouya óle 30 góndha ham olla 1 góndha tonháloi cúthki ("ezafí cúthki") faibou, ek bosór ot 48 góndha foijjonto.
- Awam sehéti zoruri háalot (PHE) or haálot ot, PHE ír hótom or fore 4 háfta foijjonto, 80 góndha lotí ziyadá gorídiya cúthki de.*
- Hamgorouya ólore ítarar cúthkir thaim ot tarár nezámí tonhá diza foribou, ar ham or girós ottu ítarar faáida ólore solaiza foribou.
- 48 góndha loti nó lode ezafí cúthki ólore sámomor bosór ot estemalgorifare faán fargaraide.
- Haás or haalot ókkol (benezámí ham or thaim, góndha-sára tonhá, wagáira) or tofsil zanibólla Wage Protection Rule (Mozuri Héfazoti Kaanun) 3.5, 7 CCR 1103-7 ore mutáliyagoró.

Hamgorouya óle ezafí cúthki re nise diya aséde héfazoti yáto sehéti zorurot ólolla estemalgorí faribou:

- (1) ekkán zehéni yáto jisími biaram, zohóm, yáto sehéti ocuida jiyam hamgoráttu rukéde, biaram theés yáto ehétiyati dekbal cámil tákiboude;
- (2) górot zulúm, cáwoti golót estemal, yáto mujrimi hóirani gorá jiyam sehét olla negarani gorér, zagabodola, kaanuni, yáto oinno hédmot ókkolor zorurot;
- (3) kisím (1) yáto (2) ot boiyan gorá ocúida aséde fémili membor ekzon ore dekbal gorá: *yáto*
- (4) ekkán PHE ot, ekzon awam hókumot or manúic ham or zaga, yáto eskul yato hamgorouyar fuain dekbal or zaga re bon gorí diye.

Awam sehéti zoruri háalot (PHE) or haálot ot, hamgorouya óle furáidiya PHE cúthki nisedeharde zorurot ólolla estemalgorí faribou*:

- (1) biaram or koríb uwa, biaram or alamot ókkol, yáto PHE or haálot ot faráde biaram dóra foribar zoriya nize-aloktáka yáto ham ottu baáirgoridiya;
- (2) biaram theés, elaj, yáto índhilla biaram or dekbal (ehétiyati dekbal cámil ase) or arós;
- (3) ídhilla biaram baríbar yáto hótora odé sehéti ocuidar harone hamgorí nofará; yáto
- (4) kisím (1)-(3) ót cámil ola yáto PHE or harone zar eskul yáto fua dekbal nofáde fuain yáto dusára fémili membor ore dekbalgorá. PHE or cómot, hamgorouya óle ehonó ezafí cúthki 48 góndha loti faibou arde furáidiya cúthki re ezafí cúthkir age estemal gorí faribou.

Employer Policies (Hamor girós or Folósi) (Elan; Dokúmentoiyari; Ezafí Estemal; Razdári; arde Tonháloi Cúthkir Rekoódh)

- **Leká elan ar pousthar ókkol.** Hamor girós ólottu hámahá (1) noiya hamgorouya ólore oinno dokúmen/fólósi ókkol hoibor age elan or entezamgorá foribou; ar (2) noiya tazagoijjá pousthar ókkol deháforibou arde bosór céce bortoman or hamgorouya ólore noiya tazagoijjá elan ókkol or entezam gorá foribou.

- **"Oitfarede" cúthkir elan** Hamgorouya ólottu zodi "oitfarede" cuthki dorhar oile ítara kengóri ettéla goríbou yíam hamor girós ólottu leikká "munaséf karwaiyi ókkol" rakoonsa, lékin índhilla folósi loi no milér hoi **tonháloi cúthki re inkar gorí no fare.**

- **Zodi cúde cúthki gwa lagatar sair din ólla yáto aróu becí din** (*mesál* hamgorouya ólor ham aséde din ókkol, kelendhár or din noi) **ólla oile kabeliyoti haron ór ezafí cúthki gware zahér goribólla hamor girós ottu dokúmen toiyarigorá dorhar lagit fare.**

- **Ezafí cúthki loibólla dokúmen toiyarigorá zorurot noóibou,** lékin ham gorouya é ham ot fírot aile yáto ham ottu alok oibar (ziyan age oibou) fúañti zorurot oitfare. **PHE cúthkir la honó dokúmen zorurot noó foribou.**

- **Ekzon hamgorouya (yáto hamgorouyar fémili membor) or sehét-bobote zorurot or cúthkir dokúmen toiyar goribólla,** ekzon hamgorouya ottu entezam gorá forit fare: (1) sehét yáto cómají hédmot entezam gorouyar torfóttu ekkán dokúmen *zodi* hédmot ókkol fáiyé ar munaséf thaim ot dokúmen faibou ar ezafágorá hóros sára; *oinno suúrotot*(2) hamgorouyar nizór leká dokúmen.

- **Górot zulúm, cáwoti golót estemal, yáto mujrimi hóirani gorá babote dorhar óde ekzon hamgrouya (yáto hamgrouyar fémili membor) ór zoruroti cúthkir dokúmen toiyarigoribólla,** ekzon hamgrouyar tu entezamgorá forit fare: ekkán dokúmen yáto léka dokúmen (1) uroror (*mesál* kaanuni yáto barigór sárvis entezamgorouya ólor torfóttu) yáto (2) uoror, yáto ekkán kaanuni dokúmen (*mesál*, barongorár oudhár yáto fulic repouth).

- **Zodi ekzon hamor girós é ekzon hamgrouyar dokúmen toiyarigorár turuthí oiyé hoi munaséf hísafe mone goille,** hamor girós ottu hámahá: (A) dokúmen gosífaiyore yáto hamgrouya hamot fírot áiyore yáto alok óiyore (zíyan age oi táke) háñt din or bútor hamgrouya re ettéla gorá foribou, ar (B) turuthí yíam thík goribólla hamgrouya re homashom háñt din thaim diya foribou.

- **Ezafí Estemal.** Hamor girós or folósis uore darmedargorí, hamgrouya óle cúthkire góndha yáto só-miníth ezafí hísafe estemalgorí faribou.

- **Hamgrouyar Húsusiyot.** Ekzon hamgrouyar (tarár fémilir) HFWA-babot sehét yáto héfazoti maalumot or "tofsil ókkol" ore zahérgorá hamor girós ólottu zorurot noibou; índhilla maalumot ólore gufoniyo medhikél rekóudh hísafe rakibou.

- **Rekóudh ókkol ore hámahá héfazot or sáte raka foribou arde arós goille entezamgorí diya foribou.** Hamgrouya ólottu aséde bortoman or tonháloi cúthkir thiña (1) estemal olla ase, arde (2) zehono ezafí PHE cúthki oddó bortoman munafá bosór ot estemal goijjá gin ore hamor girós ólottu hámahá dokúmen toiyarí entezamgorá foribou. Ek mac ot ekbar yáto HFWA cúthki dorhar foille maalumot olla arós gorit fare.

HFWA Hók ókkol loi Bódolaluwa yáto Dohóldoon

- **Tonháloi cúthki re "gair házir" hoi gona noó zaibou** zodi goníle hamottu hárejgorá yáto oinno namunaséf amól ókkol ói ait fare.

- **Toháloi cúthki loibiccót hamgrouya ekzon ottu "bodoilla hamgrouya" yáto has or kabáreij tuwaidiya dorhar noibou.**

- **Ekzon hamor girós é hamottu neelaidi, dómkidi, yáto oinno suúrot ot yíam or bodólaluwa, yáto cúthki estemal ot dohóldi no faribou,**ekzon hamgrouya ziba: (1) HFWA cúthkir arós gore yáto loiye; (2) HFWA hók ókkol faibolla oinno maincóre zanaiye yáto modót gore; (3) HFWA cékayotnama diyé; yáto (4) HFWA muhaléfa ókkol ore tahákikgorát milihasgore/modót goréde

- **Zodi hamgrouya ekzon or munaséf, gom-biccáci HFWA cékewa, arós, yáto oinno hashormo gin golót** óile, hamor girós ekzon ottu yíam ot razi yáto atá gorár dorhar noibou, lekin yíam olla hamgrouyar *hélaf hasgorí* no faribou. Hamgrouya ólottu cúthkir golót estemal or notiza ókkol or mukabela gora *foribou.*

MAHÁFUS ÓLA SEHÉTI/HÉFAZTI ZAHÉRGORÁ ARDE HAMORZAGAT GOLÓT DORAIDOÓN ("PHEW"):Hamorzagat Sehéti/Héfazoti Ocúida ókkol Zahérgorá & Maháfusi Sáman Estemal goribór Hamgrouyar Hók ókkol

Cámiltákibou: Hárr Hamor girós ar Hamgrouya ókkol, Fúañti Haás Azaád Konthrékthar ókkol

- PHEW ít maze cúde "hamor girós ókkol" ar "hamgrouya ókkol" cámil táiboude noi, kintu hárr **"nomainda ókkol"** (ekzon hamor girós yáto homashom 5 azaád konthrekthar ólo hasharbar) ar **"hamgrouya ókkol"** (hamgrouya ókkol yáto ekzon "nomaindar" la hamgoréde azaád konthrekthar ókkol) cámil ase.

Hamorzaga Sehét/Héfazoti Muhálefa ólor Hélaf Hamgrouyar Hók Ókkol:

- **Niser mamela ókkol or hélaf bodolaluwa,** yáto dohóldiya kaanun or hélaf:

- (1) **munaséf ocúida ókkol tulídora,** cámil ase córkari sehét yáto héfazoti nezám or hamorzagat muhálefa ólore nomainda, oinno hamgrouya, córkar, yáto aám manúic ore gaáir nezami zana, yáto haás kessú hamorzagar sehét yáto héfazoti dómki;
- (2) uore-liís goijja niyoum ot bodolaluwa, yáto dohóldiyar babote todarokigorát yáto mamela gorát **muhálefgoráyáto gobádiya, hémayotgorá, yáto córikuwa.**

- Nomainda ekzon ottu hamgrouyar PHEW-babot ocuida re hólgora zorurot nai, kintu ocuida gan munaséf ar gom-biccác or ói tákile yáne índhilla ocuida túlidorze bouli hamgrouya re ehóno hamottu neelaidiya yáto oinno *hélaf mamela* gorít no faribou.

Tarár Nizor Muháfezi Sáman (“PPE”) Estemalgorár Hamgrouya ólor Hókk ókkol:

- Hamgrouya ekzon ore hámahá zodi PPE é (1)hamorzagat entezam aséde sáman ottuware **aróu muháfez goille** , (2) córkari sehét ejensi (féderel, estheith, yáto elakayi) tofóttú **mocuwara díle**, ar (3) hamgrouyare **hamgoráttu rukawoth** no dháilile, **nizor issá é tarár nizor PPE** (maásk, mukor maáfús rakébar jiniis, mouza, wagaira) fíndibolla ejazot diya foriou.

CÉKAYOT OR HÓK ÓKKOL (HFWA & PHEW duiyanor andháre)

- Divícen ot muhálefa ólore cékayotnama yáto nam gufonráka mocuwara hísafe repouth gorá, yáto keis or age súroha noile adalot ot fáil túla.

Pousthar yíam ot Colorado hamor zagat awam sehéti kaanun tin nwa re húlazagori boiyan goijje: SB 20-205 (tonháloi cúthki), HB 20-1415 & SB 22-097 (sehéti ar héfazoti hamorzaga todaroki). Ecé fedherel Fecáwari Héfazoti ar Sehéti Kaanun (OSHA) or andháre, Colorado Awam Sehét ar Mahóuli Dhípaáthmen (CDPHE) or torfóttu, yáto elakayi awam sehét ejensi ólor torfóttu oinno sehéti yato héfazoti kaanun, niyoum, ar odhár ókkol cámil náí. Índhilla sehét ar héfazoti maalumot ólolla ejensí ín loi taalukat goijjó.

Pousthar yíam ore hámahá hamgrouya óle asán or sáte loot fade zagat thakidiya foribou, duré aséde hamgrouya ólore cíiyar gorí fara foribou, zorurot mutabek oinno zuban ólot torjuma goijja táka foribou, ar zehóno bosóri noiya taza gorá várçen ókkol loi bodolidiya foribou.

Pousthar yíam oilde húlasagorá ar toile kaámel mozurir kaanun or maalumot hísafe bórusa gorá no zaibou. Hárr nezám, asól maalumot (fék cíth), torjuma, súwal-sal, yáto cékayot ókkol, yáto pablík sehét emarjensir haálot (*Jun 2022 foijjonto uggwá kabiliyoti emarjensi amól ot tákibou) ólla, konthék goró:

DIVISION OF LABOR STANDARDS & STATISTICS, ColoradoLaborLaw.gov, cdle_labor_standards@state.co.us, 303-318-8441 / 888-390-7936.